

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), nakon provedene rasprave, rukovođeni ozbiljnošću aktuelnog stanja u i oko Agrokomerca, d.d. svjesni posljedica koje Zaključak Općinskog suda u Velikoj Kladuši, broj: 23 0 IP 009722 06IP, od 26.08.2011. godine, i Zaključak istog Suda, broj: 23 0 IP 009726 05 IP, od 26.08.2011. godine o prodaji nekretnina Agrokomerca, d.d. proizvodi po kršenje prava dioničara i uništavanje daljnje perspektive Agrokomerca, d.d, te svjesni ukupnog značaja Agrokomerca, d.d. za Veliku Kladušu, USK, Federaciju BiH i šire i dosadašnjeg odnosa viših nivoa vlasti u BiH prema rješavanju statusa i revitalizaciji ovog razvojnog potencijala, Općinsko vijeće Općine Velika Kladuša na Vanrednoj sjednici, održanoj dana 12.10.2011. godine, donijelo je slijedeće:

Z A K L J U Č K E

I

1. Zahtijevamo od Vlade Federacije Bosne i Hercegovine, kao zvaničnog titulara državnog kapitala u Agrokomercu d.d. i jedinog nosioca upravljanja i rukovođenja Agrokomercem d.d, da izmiri obaveze koje su predmet zaključaka Općinskog suda u Velikoj Kladuši o prodaji nekretnina Agrokomerca d.d. – Prehrambene industrije i Benzinske pumpe dana 14.10.2011. godine. Tim činom Vlada bi spriječila kršenje prava dioničara i nesagledive posljedice koje će se odraziti na šansu perspektivne budućnosti A/C, a posebno u slučaju prodaje objekata i zemljišta Prehrambene industrije.

2. Općinsko vijeće Općine Velika Kladuša zahtijeva od Vlade Federacije Bosne i Hercegovine da aktuelizira i u parlamentarnu proceduru uputi prijedlog Zakona o finansijskoj konsolidaciji kojem bi se regulisala pitanja sanacije dugovanja A/C po osnovu doprinosa za penzijsko i invalidsko osiguranje, zdravstveno osiguranje, sanacija dugovanja prema dobavljačima i komunalnim preduzećima. Iz navedenog prijedloga Zakona iz 2010. godine koji je u prethodnom sazivu usvojila Vlada F BiH, Općinsko vijeće zahtijeva isključenje odredbi koji omogućuju prodaju imovine Agrokomerca d.d. radi izmirenja navedenih potraživanja.

3. S ciljem zaštite preostale imovine Agrokomerca i stavljanja Agrokomerca, d.d. u funkciju razvoja i napretka Velike Kladuše, USK-a, Federacije BiH i šire, tražimo od Vlade Federacije BiH da prava po osnovu upravljanja dijelom državnog kapitala u Agrokomercu, d.d. privremeno – do izricanja pravomoćnih presuda Suda za ljudska prava u Strazburu, Suda BiH i Općinskog suda u Velikoj Kladuši po tužbama dioničara Agrokomerca, prenese na Općinu Velika Kladuša, a međusobna prava i obaveze da se regulišu

posebnim Zakonom o Agrokomercu, d.d. koji bi donio Parlament Federacije BiH.

4. Zahtijevamo od Vlade Federacije BiH da prekine donošenje odluka i konkretne aktivnosti na privatizaciji Agrokomerca, d.d. do izricanja pravomoćnih presuda Suda za ljudska prava u Strazburu, Suda BiH i Općinskog suda u Velikoj Kladuši po tužbama koje su istima podnijeli dioničari i koje su od presudnog značaja za utvrđivanje strukture vlasništva u Agrokomercu, d.d.

5. Pozivamo po drugi put Sud BiH da se hitno očituje o privremenoj mjeri zabrane svakog oblika prodaje i otuđivanja imovine Agrokomerca, d.d. Velika Kladuša koju su predložili dioničari u svojoj tužbi od 26.10.2005. godine, te da Sud Udruženju nezaposlenih dioničara «Agrokomerc» dostavi odgovor o «sudbini» podnijete tužbe.

6. Općinsko vijeće Općine Velika Kladuša poziva Sud BiH, Općinski sud u Velikoj Kladuši i Sud za ljudska prava u Strazburu da, zbog teškog stanja u i oko Agrokomerca, d.d, agonije koju proživljavaju njegovi radnici i dioničari i zbog daljnjih pogubnih posljedica po budućnost i perspektivu Agrokomerca, d.d. stave u prioritet rješavanje tužbe koju je kod njih u ime dioničara podnijelo Udruženje za zaštitu prava nezaposlenih dioničara Agrokomerca, d.d, koja od velikog su uticaja na rješavanje statusa Agrokomerca d.d. i ostvarivanje prava dioničara i trajnih ulagača.

7. Zahtijevamo od menadžmenta Agrokomerca, d.d. da u okviru svojih zakonom određenih prava i obaveza ažurno poduzima mjere kako bi na osnovu valjane dokumentacije osporavalo sva potraživanja koja se pojavljuju pred sudom na imovinu Agrokomerca, d.d.

8. Ovlašćuje se Općinski načelnik Općine Velika Kladuša Admil Mulalić da podnese krivične prijave zbog nepostupanja po zaključcima donešenim od strane Općinskog vijeća Općine Velika Kladuša, broj: 01-05-108/2009, od 04.05.2009. godine, zaključcima i odlukama svih organa vlasti u Bosni i Hercegovini donešenim u vezi zaštite imovine «Agrokomerc» d.d. Velika Kladuša, a koji nisu ispoštovani.

9. Zadužuje se Općinski načelnik Općine Velika Kladuša da u ime Općine Velika Kladuša, zajedno sa Vladom Unsko sanskog kantona, formira delegaciju i zatraži službeni prijem iste i razgovore sa predsjednikom i potpredsjednicima Federacije BiH, sa Visokim predstavnikom u BiH i u drugim meritornim domaćim i međunarodnim institucijama radi neposrednog upoznavanja istih sa aktuelnim stanjem u i oko Agrokomerca, d.d. i mogućim posljedicama koje mogu izazvati pogrešne odluke i indolentan odnos vlasti prema ovom nekadašnjem privrednom gigantu i ljudima koji su za njega vezani.

10. Zadužuju se Općinski načelnik i predsjedavajući Općinskog vijeća da putem resorne

Službe za informisanje o održanoj raspravi, donesenim Zaključcima Općinskog vijeća i daljnjim aktivnostima informiraju meritorne domaće i međunarodne institucije, te domaću i međunarodnu javnost s ciljem pronosnja istine o stanju u Agrokomercu, d.d. i dobivanja podrške za njegovo spašavanje.

11. Općinsko vijeće Općine Velika Kladuša poziva sve radnike i dioničare Agrokomerca, d.d, sve građane Velike Kladuše, Krajišnike, Bosance i Hercegovce, sve dobronamjerne ljude, političke subjekte i institucije da daju svoju podršku i doprinos u odbrani Agrokomerca, d.d. od potpunog uništenja pred kojim se nalazi u njegovom konačnom stavljanju u funkciju zapošljavanja, razvoja i napretka ovoga kraja i njegovih građana.

II

Ovi Zaključci stupaju na snagu odmah, a objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r..

Broj: 01-05-254/2011
Velika Kladuša, 12.10.2011. godine

2. Općinsko vijeće poziva zakonodavnu i izvršnu vlast Unsko-sanskog kantona, Federacije Bosne i Hercegovine i Bosne i Hercegovine da se odrede o «Prijedlogu za preuzimanje i obnovu «Agrokomerca» i o tome, sukladno svojim nadležnostima, obavijeste Udruženje za zaštitu nezaposlenih dioničara «Agrokomerc».

II

Ovi Zaključci stupaju na snagu odmah, a objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r..

Broj: 01-05-255/2011
Velika Kladuša, 12.10.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. stav 1. i člana 96. stav 1. tačka 1. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), nakon provedene rasprave o Prijedlogu za preuzimanje i obnovu «Agrokomerca» Udruženja nezaposlenih dioničara «Agrokomerc» Velika Kladuša (autor Fikret Abdić), od septembra 2011. godine, rukovođeni ozbiljnošću aktuelnog stanja u «Agrokomercu», d.d, svjesni posljedica šesnaestogodišnje agonije ovog dioničkog društva, te svjesni ukupnog društvenog značaja «Agrokomerca» d.d. za Veliku Kladušu, Unsko-sanski kanton, Federaciju Bosne i Hercegovine i šire i dosadašnjeg odnosa viših nivoa vlasti u BiH prema rješavanju statusa i revitalizacije ovog razvojnog i privrednog potencijala, Općinsko vijeće Općine Velika Kladuša na Vanrednoj sjednici, održanoj dana 12.10.2011. godine, donijelo je slijedeće:

Z A K L J U Č K E

I

1. Općinsko vijeće Općine Velika Kladuša podržava u cijelosti «Prijedlog za preuzimanje i obnovu «Agrokomerca» Udruženja nezaposlenih dioničara «Agrokomerc», te smatra opravdanim i društveno odgovornim činom da Parlament Federacije Bosne i Hercegovine pravno obavezujućim aktom propiše međusobna prava i obaveze između titulara dijela državnog i titulara dijela privatnog (dioničkog) vlasništva u pogledu upravljanja imovinom «Agrokomerca» d.d. prema utvrđenoj vlasničkoj strukturi, a sve u skladu sa Zakonom.